

## EKINTZAILTZARAKO ETA TURISMO-ENPRESEN LEHIAKORTASUNAREN HOBEKUNTZARAKO LAGUNTZAK - EMET 2021

### MAIZ EGITEN DIREN GALDERAK (FAQ)

<b>Pertsonak ( fisikoak eta juridikoak) jardunean egon behar dira laguntza bat eskatu ahal izateko?</b>
<p>"<b>Turismo-enpresen lehiakortasuna hobetzeko laguntza-lerroari</b>" (II. eranskina) ataleko laguntza eskatzen duten pertsonak laguntza eskatzen duten turismo-establezimenduan edo negozioan jardun beharko dute eskabidea aurkezten duten unean, eta Euskadiko Turismo Enpresen eta Jardueren Erregistroan (ETEJE)* edo Ekonomia Jardueren gaineko Zergan (EJZ) alta emanda egon beharko dute laguntza eskatzen duten jarduerari dagokion epigrafean.</p> <p>* Ostatu-enpresa turistikoak, bitartekaritza-enpresak eta autokarabanentzako harrera-eremu bereziak</p>
<p>"<b>Turismo-negozio berriak sortzeko laguntzen lerroari</b>" (I. Eranskina) ataleko laguntza bat eskatzen duten pertsonak, laguntza eskatzen duten turismo-establezimenduan edo negozioan jardun beharko dute eskabidea aurkezten duten unean, eta Euskadiko Turismo Enpresen eta Jardueren Erregistroan (ETEJE)* edo Ekonomia Jardueren gaineko Zergan (EJZ) alta emanda egon beharko dute laguntza eskatzen duten jarduerari dagokion epigrafean, salbu eta laguntza hori turismo-negozio berri bat sortzeko bada, <b>eskabideak aurkezteko epea amaitu ondoren martxan jarriko litzatekeena</b>. Kasu horretan, <b>2021eko abenduaren 31 baino lehen bete beharko baldintza hori</b>.</p> <p>* Ostatu-enpresa turistikoak, bitartekaritza-enpresak eta autokarabanentzako harrera-eremu bereziak</p>
<b>Otorduak etxera eramateko prestatzen dituen establezimendu bat onuradun izan al daiteke?</b>
<p>Agian. Zerbitzu hori eskaintzen badu <b>soilik</b>, EZIN DA onuradun izan laguntza programari dagokionez ez dituelako "Sukaldaritza-enpresa" (jatetxeak, tabernak, kafetegiak eta tankera horretako <b>establezimendu finkoak</b>, publikoari oro har irekiak, <b>tokian bertan</b> kontsumitzeko otorduak eta edariak eskaintzen dituztenak modu ohikoan eta profesionalean) izateko baldintzak betetzen. Bestalde, zerbitzu horrez gain tokian bertan kontsumitzeko otorduak eta edariak eskaintzen baditu, onuraduna IZAN DAITEKE. Ikus Agindu arautzaileko 3.3 artikulua.</p>
<b>Tabernak onuradun izan daitezke? "Sukaldaritza-enpresa" kategorian sartzen dira?</b>
<p>Bai, sukaldaritza enpresa gisa hartzen dira.</p>

<p><b>Otorduak saltzen dituen furgoneta bat, onuradun izan daiteke?</b></p>
<p>Ez, laguntza programari dagokionez ez dituelako “Sukaldaritza-enpresa” (jatetxeak, tabernak, kafetegiak eta tankera horretako <b>establezimendu finkoak</b>, publikoari oro har irekiak, <b>tokian bertan</b> kontsumitzeko otorduak eta edariak eskaintzen dituztenak modu ohikoan eta profesionalean) izateko baldintzak betetzen. Ikus Agindu arautzaileko 3.3 artikulua.</p>
<p><b>LED bonbillak aldatzea, diruz lagundu daiteke?</b></p>
<p>Instalazio elektrikoko proiektu baten baitan soilik. Bonbilla halogenoak LED bonbillengatik ordezkatze soila, kontsumigarrien birjarpentzat jotzen da eta, ondorioz, ezin da diruz lagundu.</p>
<p><b>Zer nolako jardueretarako eska dezakete dirulaguntza erabilera turistikoko etxebizitzek?</b></p>
<p>Kontuan hartuz Turismoaren uztailaren 28ko 13/2016 Legearen 36. eta 38. artikuluen arabera erabilera turistikoko etxebizitzak ostatu-<b>enpresa</b> turistikotzat hartzen direla, ez turismo-ostatuko <b>establezimendutzat</b>, Agindu arautzailearen I. Eranskineko eta II. Eranskineko 2.1.1/2.1.2/2.2.1/2.3.1/2.3.3 apartatuetan jasotako jardueretarako eska dezakete dirulaguntza, betiere horietako bakoitzean eskatzen diren baldintzak betetzen badituzte.</p>
<p><b>Turismo-enpresa bati alokatutako lokal baten jabe den erakundeak eska al dezake laguntzarik aipatu lokal horrentzat?</b></p>
<p>Ez, onuraduna turismo-jarduera garatzen duen enpresa da eta, ondorioz, errentaria da, kasu honetan, laguntza eska dezakeena.</p>
<p><b>Erabilera turistikoko etxebizitzaren enpresa “kudeatzaile” bat, onuradun izango litzateke bitartekaritzako turismo-enpresa gisa?</b></p>
<p>Erabilera turistikoko etxebizitzaren titularra izan gabe, horiek “kudeatzen” dituen enpresa bat, bitartekaritzako turismo-enpresatzat hartu ahalko da eta, ondorioz, laguntza programaren onuradun izan, betiere turismo-arloko aholkularitza-, bitartekaritza (merkaturatzea)- eta antolaketa-zerbitzuak profesionaltasunez eta ohikotasunez ematen baditu. Enpresa horren helburua, izaera eskusibokoa izan gabe, turismo-enpresen eskaintzak merkaturatzea bada (kasu honetan, turismo-erabilerarako etxebizitzak), bidaia konbinatua izan gabe, "Turismo-bitartekari" figuraren arabera izan ahalko da, Euskal Autonomia Erkidegoko Turismoari buruzko uztailaren 28ko 13/2016 Legearen 59.2 artikuluan zehaztutakoaren arabera. Turismo bitartekariak, jarduera garatu ahal izateko, Euskadiko Turismo Enpresen eta Jardueren Erregistroan (ETEJE) inskribatuta egon beharko dira eta aipatutako legearen laugarren xedapen iragankorrean xedatutakoa betetzea.</p>